

漢魏叢書

別史

吳越春秋

卷四
之六

漢

趙煜

著

第三十三冊

吳越春秋卷四

越王無余外傳春秋

越之前君無余者

無余山易曰易曰繇封之庶子夏也初受封於帝顓頊世作無餘

禹之未封也禹父繇者帝顓頊之後

帝王世紀曰繇帝顓頊之子字

熙連山易曰繇封於崇故國語謂之崇伯繇史記曰

繇之父帝顓頊世本亦以繇爲顓頊子漢律歷志則

曰顓頊五世而生繇通鑑外紀從之古史曰太史公

以繇爲顓頊之子其世太迫班固以爲五世孫近得

之此書以爲顓頊之後曰繇娶於有莘氏之女名曰

後者可以通子孫言之也

女嬉年壯未孳嬉於砥山得薏苡而吞之意若爲人

所感因而妊孕剖脅而產高密

世本曰繇娶有莘氏女謂之女志是生高

密宋忠曰高密禹所封國世紀曰鯀妻修已見流星貫鼎夢接意感又吞神珠薏苡而生禹名文命字密史記以文命爲禹之名孔安國謂禹爲名張晏謂禹爲字今並存之家于西羌地曰石

紐石紐在蜀西川也

在茂州石泉縣其地有禹廟郡人相傳禹以六月六日生元和

郡縣志禹汶山廣柔人生於石紐村水經註縣有石紐鄉禹所生也廣柔卽今石泉軍

帝堯之

時遭洪水滔滔天下沉漬九州閼塞四瀆壅閉帝乃

憂中國之不安悼黎元之罹咎乃命四嶽乃舉賢良

將任治水自中國至于條方莫薦人帝靡所任四嶽

乃舉鯀而薦之於堯舉鯀而薦舉鯀而不可

尚書堯典作方

命圯族史記堯本紀圯族史記圯族史曰負音佩違也鯀性狼戾違負也鯀性狼戾也鯀性可用也

四

嶽曰等之羣臣未有如鯀者堯用治水受命九載功

不成帝怒曰朕知不能也乃更求之得舜使攝行天

子之政巡狩觀鯀之治水無有形狀乃殛鯀于羽山

地志在東海郡祝其縣南今海州胸山縣鯀投于水化爲黃能或作熊因爲

羽淵之神

左傳昭公七年晉侯有疾夢黃熊入於寢門子產曰昔堯殛鯀於羽山其神化爲黃

熊以入于羽淵杜預解熊音雄獸名亦作熊如字一音奴來切三足鼉也按說文及字林皆云能熊屬足

似鹿然則能旣熊屬又爲鼉類作能者勝也東海人祭禹廟不用熊白及鼉爲膳豈鯀化爲二物乎舜

與四嶽舉鯀之子高密四嶽謂禹曰舜以治水無功

舉爾嗣考之勲禹曰兪小子敢悉考績以統天意惟

委

委字下當有任字

而已禹傷父功不成循江沂河盡濟甄

甄字不通疑暨字之誤

淮乃勞身焦思以行七年聞樂不聽過

門不入冠挂不顧履遺不躡功未及成愁然沉思乃

案黃帝中經厯蓋聖人所記曰在于九山東南天柱

號曰宛委

在會稽縣東南十五里一名玉笥山

赤帝在闕其巖之巔承

以文玉覆以盤石其書金簡青玉爲字編以白銀皆

瑑其文禹乃東巡登衡嶽血白馬以祭不幸所求禹

乃登山仰天而嘯因夢見赤繡衣男子自稱立夷蒼

水使者聞帝使文命于斯故來候之非厥歲月將告

以期無爲戲吟故倚歌覆釜之山

輿地志會稽山有石狀如覆釜謂之

覆釜山一名釜山。蒲亦作釜。史黃帝本紀曰合符釜山。索隱以爲合諸侯符契圭璋而朝之於釜山。在媯州懷戎縣北三里。非此之釜山也。

東顧謂禹曰欲得我山神書者齋

於黃帝巖嶽之下三月庚子登山發石金簡之書存

矣禹退又齋三月庚子登宛委山發金簡之書案金

簡玉字得通水之理

徐天祐曰禹未嘗兩至越其至越在會計之時非治水時也禹

貢記南方山川多與今不合禹治水時未嘗親至南方故也孟子曰禹八年于外而禹貢云作十有三載乃同或者以爲此禹治水之年通鑑九載言之也馬融曰禹治水三年而八州平是十二年而八州平十年而兖州平兖州平在舜受終之年然則禹之功不過三四年間耳此書請勞身焦思七年功未及

成乃東巡登宛委發金簡之書得通水之理使禹之治水七年而後得神書始知通水之理不已晚乎諸若此類蓋復返歸嶽乘四載

陸行乘車水行乘船泥行乘橈山行乘檣

蘓欐丘遙切

以行川始於霍山

南嶽衡山又名霍山泰與岱衡與霍皆一山二名

徊集五嶽詩云信彼南山惟禹甸之遂巡行四瀆與

益夔共謀行到名山大澤召其神而問之山川脉理

金玉所有鳥獸昆蟲之類及八方之民俗殊國異域

土地里數使益疏而記之故名之曰山海經禹三十

未娶行到塗山

會稽志塗山在山陰縣西北四十五里蘇鶚演義塗山有四一會稽二淪

州巴南舊江州三濠州四當塗縣按左氏昭公四年傳穆有塗山之會哀公七年傳禹令諸侯于塗山杜

預解並云在壽春東北說者曰今濠州也柳宗元塗山銘序曰周穆遐追遺法復會于是山然則禹與穆王皆嘗會諸侯於塗山矣然非必皆壽春也若禹之所娶則未詳何地水經注江州縣水北岸有塗山南有夏禹廟塗君祠廟銘存焉常璩庾仲雍並言禹娶於此越絕等書乃公禹娶一會稽塗山應劭曰在永興北永興今蕭山縣也又與郡志所載不同蓋會稽實禹會諸侯計功之地非所娶之國下文兼載白狐九尾之歌恐時之暮失其度制乃辭云吾娶也必有尤爲可疑

應矣乃有白狐九尾造於禹禹曰白者吾之服也其九尾者王之證也塗山之歌曰綏綏白狐九尾雝雝我家嘉夷來賓爲王成家成室我造彼昌天人之際於茲則行明矣哉禹因娶塗山謂之女嬌取辛壬癸

甲

呂氏春秋曰禹娶塗山氏女不以私害公自辛至甲四日復往治水

禹行十月女嬌

生子啓啓生不見父晝夕呱呱啼泣禹行使太章步

東西豎亥度南北

淮南子禹使太章步自東極至于西垂豎亥步自南極盡於北垂許

慎曰太章豎亥

善行人皆禹臣暢八極之廣旋天地之數禹濟江南

省水理黃龍負舟舟中人怖駭禹乃啞

鳥格切笑聲易震卦笑言

啞啞音同

然而笑曰我受命於天竭力以勞萬民生性也

死命也爾何爲者顏色不變謂舟人曰此天所以爲

我用龍曳尾舍舟而去南到訃於蒼梧

檀弓舜葬於蒼梧之野史

記舜死於蒼梧之野葬於九疑今九疑山在道州寧遠縣南六十里亦名蒼梧山

而見縛人

禹拊其背而哭益曰斯人犯法自合如此哭之何也
禹曰天下有道民不罹辜天下無道罪及善人吾聞
一男不耕有受其饑一女不桑有受其寒吾爲帝統
治水土調民安居使得其所今乃罹法如斯此吾德
薄不能化民證也故哭之悲耳於是周行寓內東造

絕迹西延積石

地志有金城郡河關縣西南今鄯州龍支縣界

南踰赤岍

水經

新安縣南白石山名

北過寒谷

劉向別錄燕有黍谷地美而寒不生五穀

廣陽山水曰赤岍水

鄒子居之吹律而溫氣至左

徊崑崙

崑崙說曰崑崙之山三級下曰

思賦寒谷豐黍吹律以煖之

樊桐一名板松中曰玄圃一名閼風上曰層

察大扈

城一名天庭地理志在臨羌西卽河源所出

脉地理名金石寫流沙於西隅

地理志流沙在居延西北杜佑曰在沙州

西八十里其沙隨風流行故曰流沙

決弱水於北漢

地理志弱水在張掖郡刪丹縣柳宗

元曰水散渙無力不能負芥投之則委靡埜沒及底而後止故曰弱

青泉赤淵分入洞

穴通江東流至於碣石

地志在北平郡驪戎縣西南今平州之南

疏九河

於潛淵開五水於東北鑿龍門

地志在馮翊夏陽縣今河中府龍門縣

闕伊闕

在洛陽西南五十里禹疏以通水兩山相對望之若闕伊水歷其間北流故曰伊闕

平

易相土觀地分州殊方各進有所納貢民去崎嶇歸

於中國堯曰兪以固冀於此乃號禹曰伯禹官曰司

空賜姓姒氏領統州伯以巡十二部堯崩禹服三年

之喪如喪考妣晝哭夜泣氣不屬聲堯禪位于舜舜
薦大禹改官司徒內輔虞位外行九伯舜崩禪位命
禹禹服三年形體枯槁面目黎黑讓位商均退處陽
山之南

史記註劉熙曰今
潁川陽城是也

陰阿之北萬民不附商均

追就禹之所狀若驚鳥揚天駭魚入淵晝歌夜吟登

高號呼曰禹棄我如何所戴禹三年服畢哀民不得

已卽天子之位三載考功五年政定周得天下歸還

大越登茅山

史記註禹到大越上苗山十道
志會稽山本名茅山一名苗山

以朝四

方羣臣觀示中州諸侯防風後至斬以示衆示天下

悉屬禹也乃大會計治國之道內美釜山州慎

慎當作鎮

之功外演聖德以應天心遂更名茅山曰會稽之山

因傳國政休養萬民國號曰夏后封有功爵有德惡

無細而不誅功無微而不賞天下喁喁若兒思母子

歸父而留越恐羣臣不從言曰吾聞食其實者不傷

其枝飲其水者不濁其流吾獲覆釜之書得以除天

下之災令民歸於里閭其德彰彰若斯豈可忘乎乃

納言聽諫安民治室居靡山伐木爲邑畫作印橫木

爲門調權衡平斗斛造井示民以爲法度鳳凰棲於

樹鸞鳥巢於側麒麟步於庭百鳥仰於澤遂已耆艾

將老歎曰吾晏歲年暮壽將盡矣止絕斯矣命羣臣

曰吾百世之後葬我會稽之山葦椁桐棺

墨子曰禹葬會稽衣

裘三領桐棺三寸

穿壙七尺下無及泉墳高三尺土階三等

葬之後曰無改畝以爲居之者樂爲之者苦禹崩之

後衆瑞並去天美禹德而勞其功使百鳥還爲民田

大小有莖進退有行一盛一衰往來有常禹崩傳位

與益益服三年思禹未嘗不言喪畢益避禹之子啟

於箕山之陽

史記註劉熙曰嵩高之北

諸侯去益而朝啓曰吾君

帝禹子也啟遂卽天子之位治國於夏遵禹貢之美
悉九州之士以種五穀累歲不絕啓使使以歲時春
秋而祭禹於越立宗廟於南山之上禹以下六世而
得帝少康少康恐禹祭之絕祀乃封其庶子於越號
曰無余余始受封人民山居雖有鳥田之利

地理志
山上有

禹井禹祠相傳下有羣鳥耘田也水
經註鳥爲之耘春拔草根秋啄其穢

租貢纔給宗廟

祭祀之費乃復隨陵陸而耕種或逐禽鹿而給食無
余質朴不設宮室之飾從民所居春秋祠禹墓於會

稽

皇覽曰禹家
在會稽山上

無余傳世十餘末君微劣不能自立

轉從衆庶爲編戶之民禹祀斷絕十有餘歲有人生
而言語其語曰鳥禽呼嚙嚙嚙指天向禹墓曰我
是無余君之苗末我方修前君祭祀復我禹墓之祀
爲民請福於天以通鬼神之道衆民悅喜皆助奉禹
祭四時致貢因共封立以承越君之後復夏王之祭
安集鳥田之瑞以爲百姓請命自後稍有君臣之義
號曰無壬壬生無驛驛專心守國不失上天之命無
驛卒或爲夫譚夫譚生元常元當常立當吳王壽夢
諸樊闔閭之時越之興霸自元常矣越世家二十餘世至於允常高

氏越史曰夏自少康至桀凡十二世按少康元年壬午至周敬王元年壬午凡一千五百六十一年吳之伐越見春秋昭公三十二年敬王十年也至是二千五百七十年矣越之傳國至於允常何止二十餘世耶

勾踐入臣外傳第七

越王勾踐五年五月與大夫種范蠡

呂氏春秋高誘解范蠡楚三戶

人也字少伯大夫種姓文氏字會楚之鄒人按鄒本邾子之國此云楚之鄒人蓋鄒爲楚所并爾又太史公素王妙論曰范蠡本南陽人列仙傳云徐人素隱曰大夫官種名也一云大夫姓猶司馬司空之比今按大夫官名如以爲姓也則大夫入臣於吳羣臣皆逢同大夫臯如等豈皆其姓耶

送至浙江之上臨水祖道

祖饒行也

軍陣固陵

范蠡教兵城也水經